



海山

二二

826

761



十國水像





校正羣書



卷師要序



古昔聖主賢臣所以  
孜孜講求莫非平治  
天下之道皆以救弊  
于一時成法于萬世

外此豈有可觀者哉  
但世遷事變時換勢  
殊不得不因物立則  
視宜創制是以論說  
之言日浩撰著之文

月繁簡樸常寡浮誕  
漸勝其綱之不能知  
而况舉其目乎此書  
之作蓋其以此也先  
明道之所以立而後

知政之所行先尋教  
之所以設而後得學  
之所歸自典誥深奧  
訖史子辨博諸係乎  
政術存乎勸戒者舉

而不遺罷朝而不厭  
其淆亂閉室而不煩  
其尋究誠亦次經之  
書也我

朝承和貞觀之間致重

雍齋熙之盛者未必  
不因講究此書之力  
則凡君民臣君者非  
所可忽也

尾公有見于斯使

世子命臣僚校正而  
上之木又使余信敬  
序之惟信敬弱而不  
敏如宜固辭者而不  
敢者抑亦有故也羣

書治要五十卷五十

卷內闕三卷

神祖遷駿府得此書惜

其不全命我遠祖羅

山補之三卷內一卷

今不傳今

尾公此舉上之欲君

民者執以致日新之

美下之欲臣君者奉

以贊金鏡之明為天

下國家冀昇平之愈  
久遠心曠度有不可  
勝言者也信敬預事  
亦知遠祖所望信敬  
是所以奉命不敢

辭也

天明七年丁未四月

朝散大夫國子祭酒林信敬謹序





羣書治要序

秘書監鉅鹿男臣魏徵等奉勅撰

竊惟載籍之興其來尚矣左史右史記事記言皆所以昭德塞違勸善懲惡故作而可紀薰風揚乎百代動而不法炯戒垂乎千祀是以歷觀前聖撫運膺期莫不懷乎御朽自強不息乾乾夕惕義在茲乎近古皇王時有撰述並皆包括天地牢籠羣有競採浮豔之詞爭馳迂誕之說騁末學之博聞飾雕蟲之小伎流宕忘反殊塗

秘書監云一行十三字在前序下空一字

蟲作虫

同致雖辯周萬物愈失司契之源術總百端乖  
得一之旨皇上以天縱之多才運生知之睿思  
性與道合動妙幾神玄德潛通化前王之所未  
化損已利物行列聖之所不能行翰海龍庭之  
野並爲郡國扶桑若木之域咸襲纓冕天地成  
平外內禔福猶且爲而不恃雖休勿休俯協堯  
舜式遵稽古不察貌乎止水將取鑒乎哲人以  
爲六籍紛綸百家踳駁窮理盡性則勞而少功  
周覽汎觀則博而寡要故爰命臣等採摭羣書

翦截淫放光昭訓典聖思所存務乎政術綴叙  
大略咸發神衷雅致鈎深規摹宏遠網羅治體  
事非一目若乃欽明之后屈已以救時無道之  
君樂身以亡國或臨難而知懼在危而獲安或  
得志而驕居業成以致敗者莫不備其得失以  
著爲君之難其委質策名立功樹惠貞心直道  
忘軀殉國身殞百年之中聲馳千載之外或大  
紆巨猾轉日迴天社鼠城狐反白仰黑忠良由  
其放逐邦國因以危亡者咸亦述其終始以顯

為臣不易其立德立言作訓垂範為綱為紀經  
 天緯地金聲玉振騰實飛英雅論徽猷嘉言美  
 事可以弘獎名教崇太平之基者固亦片善不  
 遺將以丕顯皇極至於母儀嬪則懿后良妃參  
 徽猷於十亂著深誠於辭輦或傾城愆婦亡國  
 豔妻候晨雞以先鳴待舉烽而後笑者時有所  
 存以備勸戒爰自六經訖乎諸子上始五帝下  
 盡晉年凡為五表合五十卷本求治要故以治  
 要為名但皇覽遍略隨方類聚名目互顯首尾

淆亂文義斷絕尋究為難今之所撰異乎先作  
 總立新名各全舊體欲令見本知末原始要終  
 並棄彼春華採茲秋實一書之內牙角無遺一  
 事之中羽毛咸盡用之當今足以鑒覽前古傳  
 之來葉可以貽厥孫謀引而申之觸類而長蓋  
 亦言之者無罪聞之者足以自戒庶弘茲九德  
 簡而易從觀彼百王不疾而速崇巍巍之盛業  
 開蕩蕩之王道可久可大之功並天地之貞觀  
 日用日新之德將金鏡以長懸其目錄次第編

之如左

刊羣書治要考例

謹考

國史承和貞觀之際

經筵屢講此書距今殆千年而宋明諸儒無

一言及者則其亡失已久寬永中我

敬公儒臣堀正意檢此書題其首曰正和

年中北條實時好居書籍得請諸

中秘寫以藏其金澤文庫及

神祖統一之日見之喜其免兵燹乃

命範金至  
台廟獻之

皇朝其餘頒宗戚親臣是今之活字銅版也舊  
目五十卷今存四十七卷其三卷不知亡  
何時羅山先生補其三卷而一卷不傳故  
不取也但知金澤之舊藏亦缺二本近世  
活本亦難得如其繕本隨寫隨誤勢世以  
音訛所處以訓謬間有不可讀者我  
孝昭二世子好學及讀此書有志校刊幸

魏氏所引原書今存者十七八乃博募異  
本於四方日與侍臣照對是正業未成不  
幸皆早逝

今世子深悼之請繼其志勗諸臣相與卒  
其業於是我

公上自  
內庫之藏旁至公卿大夫之家請以比之  
借以對之乃命臣人見  
大塚長幹臣宇野久恆臣角田明臣野村

昌武臣岡田挺之臣關嘉臣中西衛臣小河鼎臣南宮齡臣德民等考異同定疑似臣等議曰是非不疑者就正之兩可者共存又與所引錯綜大異者疑魏氏所見其亦有異本歟又有彼全備而此甚省者蓋魏氏之志唯主治要不事修辭亦足以觀魏氏經國之器規模宏大取舍之意大非後世諸儒所及也今逐次補之則失魏氏之意故不爲也不得原書者則敢附臆考

以待後賢以是爲例讎校以上

天明五年乙巳春二月乙未

尾張國校督學臣細井德民謹識



第八 周禮 周書 國語 韓詩外傳

第九 考經 論語

第十 孔子家語

第二卷

第十一 史記上

第十二 史記下 吳越春秋

第十三 漢書一 闕

第十四 漢書二

第十五 漢書三

第十六 漢書四

第十七 漢書五

第十八 漢書六

第十九 漢書七

第二十 漢書八 闕

第三卷

第二十一 後漢書一

第二十二 後漢書二

第二十三 後漢書三

二十作廿



第二十四 後漢書四

第二十五 魏志上

第二十六 魏志下

第二十七 蜀志 吳志上

第二十八 吳志下

第二十九 晉書上

第三十 晉書下

第四卷

第三十一 六韜 陰謀 鬻子

三十作卅

第三十二 管子

第三十三 晏子 司馬法 孫子

第三十四 老子 鶡冠子

第三十五 列子 墨子 曾子

第三十六 吳子 商君子

第三十七 尸子 慎子 尹文子

第三十八 孟子 尉繚子

第三十九 莊子 孫卿子 呂氏春秋

第四十 韓子 三略 新語

四十作卅

第五卷

第四十一 淮南子

第四十二 鹽鐵論 新序

第四十三 說苑

第四十四 桓子新論 潛夫論

第四十五 崔寔政論 昌言

第四十六 申監 中論 典論

第四十七 劉廙政論 政要論

第四十八 蔣子 體論 典語

無鹽鐵論三字  
新序下有說苑三字  
說苑作鹽鐵論桓  
子新論七字  
無桓子新論四字

作蔣子政要論  
一本政作世  
體論下有時務  
論三字

本文作  
劉廙別  
傳

表作表

本文作  
袁子正  
書

第四十九 傅子

第五十 袁子書 抱朴子

羣書治要卷第一

秘書監鉅鹿男臣魏徵等奉勅撰

周易

乾元亨利貞文言備也象曰天行健君子以自強不

息九三君子終日乾乾夕惕若厲無咎處下體

上體之下純修下道則居上之德廢純修上道則處下之禮曠故終日乾乾至于夕惕猶若厲也

九五飛龍在天利見大人天不行不躍而在乎

德在天則大人之路亨也夫位以德興德以位叙以至德而處盛位萬物之覩不亦宜乎上

九亢龍有悔彖曰大哉乾元萬物資始乃統天

無秘書監云二十  
三字

修作脩下脩同  
屬下有之字

雲行雨施品物流形大明終始六位時成時乘

六龍以御天乾道變化各正性命大明乎終始之道故六位

不失其時而成也升降無常隨時而用處則乘潛龍出則乘飛龍故曰時乘六龍也保合

大和乃利貞不和而剛暴也首出庶物萬國咸寧萬國所以

寧各以有君也文言曰元者善之長也亨者嘉之會也

利者義之和也貞者事之幹也君子體仁足以

長人嘉會足以合禮利物足以和義貞固足以

幹事君子行此四德者故曰乾元亨利貞君子

終日乾乾夕惕若厲無咎何謂也子曰君子進

德修業忠信所以進德也修辭立其誠所以居

業也是故居上位而不驕在下位而不憂居下體之

上在上體之下明夫終敝故不驕也知夫至至故不憂也故乾乾因其時而

惕雖危無咎矣惕怵惕之謂也飛龍在天利見大人何

謂也子曰同聲相應同氣相求水流濕火就燥

雲從龍風從虎聖人作而萬物覩亢龍有悔何

謂也子曰貴而無位高而無民下無陰也賢人在下

位而無輔賢人雖在下而當位不為之助是以動而有悔也君

子學以聚之問以辨之以君德而處下體資納於物者也寬以

辨作辯

居之仁以行之夫大人者與天地合其德與日月合其明與四時合其序與鬼神合其吉凶先天而天弗違後天而奉天時天且弗違而況於人乎況於鬼神乎亢之為言也知進而不知退知存而不知亡知得而不知喪其唯聖人乎知進退存亡而不失其正者其唯聖人乎

種作種

坤象曰地勢坤君子以厚德載物彖曰至哉坤元萬物資生乃順承天坤厚載物德合無疆含弘光大品物咸亨文言曰坤至柔而動也剛至

候下有也字

靜而德方含萬物而化光坤道其順乎承天而時行積善之家必有餘慶積不善之家必有餘殃君子敬以直內義以方外敬義立而德不孤

屯象曰雲雷屯君子以經綸君子經綸之時彖曰天造

草昧宜建侯而不寧屯體不寧故利建諸侯也屯者天地造始之時也造

物之始始於冥昧故曰草昧也處造始之時所宜之善莫善於建侯

蒙象曰山下出泉蒙君子以果行育德彖曰匪

我求童蒙童蒙求我志應也我謂非童蒙者闇者求明者明者不

諮闇故蒙之為義匪我求童蒙童蒙求我也童蒙之來求我志應故也蒙以養正

聖功也

師象曰地中有水師君子以容民畜衆初六師

出以律否臧凶

為師之始齊師者也失令有功法所不赦故師出不以律否臧

皆凶

上六大君有命開國承家小人勿用

處師之極

師之終也大君之命不失功也開國承家以寧邦也小人勿用非其道也

象曰大君

有命以正功也小人勿用必亂邦也

比象曰地上有水比先王以建萬國親諸侯

萬國

以比建諸侯以比親

履象曰上天下澤履君子以辨上下定民志

泰象曰天地交泰后以財成天地之道輔相天

地之宜以左右民

上下大通則物失其節故財成而輔相以左右民也

象

曰天地交而萬物通也上下交而其志同也內

君子而外小人君子道長小人道消也

否象曰天地不交否君子以儉德避難不可榮

以祿彖曰天地不交而萬物不通上下不交而

天下無邦也內陰而外陽內柔而外剛內小人

而外君子小人道長君子道消也九五休否大

人吉其亡其亡繫于苞桑

居否之世能全其身者唯大人耳巽為木

木莫善於桑人雖欲有亡之者衆根堅固弗能拔之也

同人象曰天與火同人天體於上而火君子以

類族辨物君子小人各得所同象曰文明以健中正而應

君子正也行健不以武而以文明用之相應唯

君子為能通天下之志君子以文明為德者也

大有象曰火在天上大有君子以遏惡揚善順

天休命大有包容之象也故遏惡揚善成象曰

柔得尊位大中而上下應之曰大有處尊以柔

上下應之靡所不納大有之義也其德剛健而文明應乎天而

時行是以元亨德應于天則行不失時矣剛健

無違是以上九自天佑之吉無不利居大有之

于位志尚於賢者也

謙象曰地中有山謙君子以裒多益寡稱物平

施多者用謙以為裒少者用謙以為益隨物而與施不失平也象曰謙亨天

道下濟而光明地道卑而上行天道虧盈而益

謙地道變盈而流謙鬼神害盈而福謙人道惡

盈而好謙謙尊而光卑而不可踰君子之終也

初六謙謙君子用涉大川吉能體謙謙其唯君子用涉大難物無

害也作害者五本  
作害也

也。象曰：謙謙君子，卑以自牧也。也。牧，養也。九三：勞謙

君子有終吉。勞謙匪懈，是以吉也。象曰：勞謙君子，萬民服

也。

豫象曰：雷出地奮。豫象曰：豫順以動，故天地如

之。天地以順動，故日月不過，而四時不忒。聖人

以順動，則刑罰清而民服。豫之時義大矣哉。

隨象曰：澤中有雷，隨。君子以向晦入宴息。澤中有雷，動悅之象也。物皆悅隨，可以無為。象曰：隨時之

義大矣哉。不勞明監，故君子向晦入宴息也。於時，時則天下隨之矣。隨之所施，唯在

動悅之象也。物皆悅隨，可以無為。象曰：隨時之

監作鑒

之義大矣哉

觀象曰：風行地上，觀。先王以省方，觀民設教。象

曰：順而巽，中正以觀天下。觀天之神道，而四時

不忒。聖人以神道設教，而天下服。六四：觀國之

光，利用賓于王。居觀之時，最近至尊，觀國之光者也。居近得位，明習國儀者也。

故曰：利用也。九五：觀我生，君子無咎。上之化下，猶

實于王也。民之俗，以察已道，百姓有罪，在余一人。君子風

著，已乃無咎。上為化主，將欲自觀，乃觀民也。噬嗑象曰：雷電噬嗑，先王以明罰整法。象曰：剛

柔分動而明，雷電合而章。剛柔分動，不濶乃明。雷電並合，不亂乃章。

本書整  
作敷

書書台

卷之一

五



皆利用獄之義也

賁象曰山下有火賁君子以明庶政無敢折獄

處賁之時止物以文明不可以威刑故君子以明庶政而無敢折獄也 象曰觀乎

天文以察時變觀乎人文以化成天下六五賁

于丘園束帛芟芟吝終吉為飾之主飾之盛者也施飾於物其道害

矣施飾丘園盛莫大焉故曰賁于丘園束帛乃芟芟用莫過儉泰而能約故必吝焉乃得終吉也

大畜象曰天在山中大畜君子以多識前言往

行以畜其德物之可畜於懷令德不散盡於此也 象曰大畜剛健

篤實暉光日新其德凡物能暉光日新其德者唯剛健篤實者也

頤象曰山下有雷頤君子以慎言語節飲食言

飲食猶慎而節之而況其餘乎 象曰頤貞吉養正則吉也天地

養萬物聖人養賢以及萬民頤之時大矣哉

習坎象曰水洊至習坎君子以常德行習教事

至險未夷教不可廢故以常德行而習教事也習于坎然後能以險難為困而德行不失常

象曰習坎重險也天險不可升也不可得升故得保其威尊

地險山川丘陵也有山川丘陵故 王公設險以

守其國國之為衛恃於險也言自天地以下莫不須險也 險之時用大

也下有之字

矣哉

非用之常，用有時也。

離象曰：明兩作，離大人以繼明，照于四方。

繼謂不絕。

彖曰：離麗也。

麗猶著也，各得所著之宜者也。

日月麗于天，百穀

草木麗乎土，重明以麗乎正，乃化成天下。

咸象曰：山上有澤，咸，君子以虛受人。

以虛受人，物乃感應也。

也。彖曰：咸，感也。柔上而剛下，二氣感應以相與，

天地感而萬物化生。

二氣相與，乃化生也。

聖人感人心而

天下和平，觀其所感，而天地萬物之情可見矣。

天地萬物之情，見於所感也。

恆象曰：雷風恆。

長陽長陰，合而相與，可久之道也。

君子以立不

易方。

得其所久，故不易也。

彖曰：天地之道，恆久而不已也。

得其所久，故不已也。

日月得天而能久照，四時變化而能

久成，聖人久於其道而天下化成。

言各得所恆，故皆能久長。

也。觀其所恆，而天地萬物之情可見矣。

天地萬物之情。

見於所恆也。

九三：不恆其德，或承之羞。

德行無恆，自相違錯，不可

致詰，故或承之羞也。不恆其德，無所容也。

遯象曰：天下有山，遯。

天下有山，陰長之象也。

君子以遠小

人，不惡而嚴。九五：嘉遯，貞吉。

遯而得正，反制於內，小人應命，率正。

照作昭

于作予

其志不惡而嚴得正象曰嘉遯貞吉以正志也

之吉遯之嘉者也志最處外極無應於內超然絕

上九肥遯無不利象曰肥遯無不利無所疑也

繳不能及是以象曰肥遯無不利無所疑也

大壯象曰雷在天上大壯君子以非禮弗履而壯

違禮則凶凶則失壯矣故象曰大壯利貞大者

君子以大壯而順禮也正也正大而天地之情可見矣

則天地之情可見矣

晉象曰明出地上晉君子以自昭明德以順著

道之

明夷象曰明入地中明夷君子以莅衆

百姓者也故以蒙養用晦而明

乃所象曰內文明而外柔順以蒙大難文王以

避也

之利艱貞晦其明也內難而能正其志箕子以

家人象曰風自火出家人

物而行有恒

象曰家人女正位乎內男正位乎

外天地之大義也家人有嚴君焉父母之謂也

矣上有也字

照

而天下定矣  
父父子子，兄弟弟弟，夫夫婦婦，而家道正，正家

而天下定矣  
睽象曰：上火下澤，睽。君子以同而異。同於通理，異於職事。

象曰：睽，火動而上，澤動而下，天地睽而其事同

也，男女睽而其志通也，萬物睽而其事類也，睽

之時用大矣哉。睽離之時，非小人之所能用也。

蹇象曰：山上有水，蹇。君子以反身修德。除難莫若反身。

也。修德象曰：蹇，難也，險在前也，見險而能止，智矣

哉。六二，王臣蹇蹇，匪躬之故。處難之時，履當其位，執心不回，志匪

王室者也，故曰：王臣蹇蹇，匪躬之故也。履中行義，以存其上，處蹇以此，未見其尤也。象曰：

王臣蹇蹇，終無尤也。

解象曰：雷雨作，解。君子以赦過宥罪。象曰：天地

解而雷雨作，雷雨作而百菓草木皆甲坼。天地否結，

則雷雨不作，交通感散，雷雨乃作也。雷雨之作，則險厄者亨，否結者散，故百菓草木皆甲坼也。

解之時大矣哉。無所而六三，負且乘，致寇至，貞

吝。處非其位，履非其正，以附於四，用夫柔邪，以自媚者也。乘二負四，以容其身，寇之來也，自

損象曰：山下有澤，損。君子以懲忿窒欲。可損之善，莫善

無身字

吝作去

無損字

種作種

或下有也字

以上有亨字

損忿欲象曰損益盈虛與時偕行自然之質各定其分損益將何

益象曰風雷益君子以見善則遷有過則改矣從善改過益莫大焉象曰益損上益下民悅無疆自上下

下其道大光利有攸往中正有慶五處中正自上下故有慶也以中正有慶之德有攸往也何適而不利哉

升象曰地中生木升君子以慎德積小以成高大

革象曰澤中有火革象曰革水火相息凡不合而後變

生火欲上澤欲下水水火相戰而後變生者也天地革而四時成湯武

革命順乎天而應乎人革之時大矣哉上六君

子豹變小人革面居變之終變道已成君子處之能成其文小人樂成則變

鼎象曰木上有火鼎象曰鼎象也以木巽火亨

也革去故而鼎成新故為亨亨者鼎之所為故取新聖賢不可失也也飪熟也天下莫不用之而聖人用之乃上以亨上帝下以大亨養聖賢焉

震震驚百里不喪七鬯威震驚乎百里則足以不喪七鬯矣七所以

載鼎實，鬯香酒，奉宗廟之盛者也。

象曰：游雷震，君子以恐懼修

省。象曰：震亨，震來虩虩，恐致福也。震驚百里，驚

遠而懼邇也。

威震驚乎百里，則惴者懼於近矣。

出可以守宗廟

社稷，以為祭主也。

明所以堪長子之義也，不喪也。

艮象曰：兼山艮，君子以思不出其位。

各止其所，不侵官也。

彖曰：艮止也。時止則止，時行則行，動靜不失其

時，其道光明。

止道不可常用，必施於不可行，適于其時，道乃光明。

豐亨，王假之。

大而亨者，王之所至也。

勿憂，宜日中。

豐之為義，闡弘

微細，通夫隱滯者也。為天下之主，而令微隱者不亨，憂未已也。故至豐亨，乃得勿憂也。用夫豐

無時亨

云食本作蝕

亨不憂之德，宜處天中以徧照者也。故曰宜日中也。

象曰：雷電皆至，豐君

子以折獄致刑。

文明以動，不失情理。

彖曰：日中則昃，月盈

則食，天地盈虛，與時消息，而況於人乎？況於鬼

神乎？

豐之為用，困於昃，食者也。施於未足，則尚豐，施於已盈，則方溢，不可以為常，故具陳

消息之道也。

兌象曰：麗澤兌，君子以朋友講習。象曰：兌悅也。

剛中而柔外，悅以利貞。

悅而違剛則諂，剛而違悅則暴，剛中而柔外，所

以悅以利貞也。

是以順乎天而應乎人。

天剛而不失悅者也。悅以

先民，民忘其勞；悅以犯難，民忘其死；悅之大，民

勸矣哉

渙象曰風行水上渙九五渙汗其大號渙王居

無咎處尊履正居巽之中散汗大號以盪險阨者也為渙之主唯王居之乃得無咎也

節象曰澤上有水節君子以制度數議德行象

曰苦節不可貞其道窮為節過苦則物不能堪也物不能堪則不可復

也正道悅以行險當位以節中正以通無悅而行險過中而為節

窮也則道天地節而四時成節以制度不傷財不害

民民

中孚象曰澤上有風中孚君子以議獄緩死信發

云節本作度苦作時云程苦

也下有矣字

也字無也下有矣字

無時字

於中雖過可亮象曰中孚柔在內而剛得中悅而巽孚

有上四德乃化邦也信立而後邦乃化也柔在內而剛得中各當其所也

剛得中則直而正柔在內則靜而順悅而以巽則乖爭不作如此則物無巧競敦實之行著而

篤信發乎豚魚吉信及豚魚魚者虫之潛隱者其中矣

者也爭競之道不興忠信之德淳著則雖微隱之物信皆及之也中孚以利貞

乃應天盛之至也小過象曰山上有雷小過君子以行過乎恭喪

過乎哀用過乎儉象曰小過小者過而亨也小者

謂凡諸小事也過於小事而通者也過以利貞與時行也過而得

以利貞

應時宜也、施過於恭、儉利貞者也、柔得中、是以小事吉、剛失位

而不中、是以不可大事、成大事者必在剛也、柔而侵大、剝之道也、

既濟象曰、水在火上、既濟、君子以思患而豫防

之、存不忘亡、既濟不忘未濟也、彖曰、既濟亨、利貞、剛柔正而

位當、剛柔正而位當、則邪不可行矣、故唯正乃利貞也、九五、東隣之殺

牛、不如西隣之禴祭、實受其福、牛、祭之盛者也、禴、祭之薄者也、

居既濟之時、而處尊位、物皆濟矣、將何為焉、其所務者、祭祀而已、祭祀之盛、莫盛修德、故沼泚

之毛、蘋蘩之菜、可羞之於鬼神、黍稷非馨、明德惟馨、是以東隣殺牛、不如西隣之禴祭、實受其

也、福也、

矣作之

天尊地卑、乾坤定矣、卑高以陳、貴賤位矣、動靜

有常、剛柔斷矣、剛動而柔止也、動止得其常體、則剛柔之分著矣、方以

類聚、物以羣分、吉凶生矣、方有類、物有羣、則有同有異、有聚有分也、

順其所同、則吉、乖其所趨、則凶、故吉凶生矣、在天成象、在地成形、變

化見矣、象、況日月星辰形、況山川草木也、懸象運轉、以成昏明、山澤通氣、而雲行雨施、

故變化見也、是故鼓之以雷霆、潤之以風雨、日月運

行、一寒一暑、乾知大始、坤作成物、乾以易知、坤

以簡能、天地之道、不為而善始、不勞而善成、故曰易簡、易則易知、簡則

易從、易知則有親、易從則有功、有親則可久、有

簡有之也二字



功則可大有成可久可大之德則能功可久則賢人之德

可大則賢人之業天地易簡萬物久載其形聖人不為羣方各遂其業德業

既成則入於形器故以賢人目其德業也易簡而天下之理得矣

易與天地准作易以准天地也故能彌綸天地之道仰

以觀於天文俯以察於地理知幽明之故知死

生之說也幽明者有形無形之象死生者始終之數也

知鬼神之情狀與天地相似德合天地故相似也知周

乎萬物而道濟天下以道濟天下也樂天知命

故不憂順天之化故曰樂也範圍天地之化而不過範圍者擬

範天地而周備其理也曲成萬物而不遺曲成者乘變應物不係一方者

也則物得宜矣故神無方而易無體神則陰陽不測易則唯變所適不可

以一方一體明也仁者見之謂之仁智者見之謂之智

百姓日用而不知故君子之道鮮矣君子體道以為用者

也體斯道者不亦鮮乎

顯諸仁藏諸用衣被萬物故曰顯諸仁日盛德

大業至矣哉富有之謂大業廣大悉備日新之

謂盛德體化合變生生之謂易陰陽轉易陰陽

不測之謂神神也者變化之極也妙萬物而為言不可以形詰者也故曰陰陽不

也下有矣字

測也

夫易廣矣大矣以言乎天地之間則備矣廣大配天地變通配四時陰陽之義配日月易簡之善配至德易之所載配此四義也子曰易其至矣乎夫易聖人所以崇德而廣業也窮理入神其德崇也兼濟萬物其業廣也天地設位而易行乎其中矣

聖人有以見天下之賾而擬諸其形容象其物宜乾剛坤柔各有其體故曰擬諸其形容也擬之而後言議之而後動擬議以成其變化擬議以動則盡變化之道也鳴鶴在陰

其字無

其子和之我有好爵吾與爾縻之鶴鳴則子和修誠則物應

我有好爵與物散之物亦以善應也鶴鳴乎陰氣同則和出言戶庭千里應之出言猶然況其大者乎千里或應況其邇者乎子曰君子居其室出其言善則

千里之外應之況其邇者乎居其室出其言不善則千里之外違之況其邇者乎言出乎身加乎民行發乎邇見乎遠言行君子之樞機樞機制動

之樞機之發榮辱之主也言行君子之所以動

天地可不慎乎同人先號咷而後笑子曰君子之道或出或處或默或語二人同心其利斷金

莫作嘆同

同人終獲後笑者以有同心之應也夫所況同者豈係乎一方哉君子出處默語不違其中則其迹雖異道同則應也同心之言其臭如蘭藉用白茅無

咎子曰苟錯諸地而可矣藉之用白茅何咎之有慎之至也勞謙君子有終吉子曰勞而不伐有功而不德厚之至也語以其功下人者也德言盛禮言恭謙也者致恭以存其位者也不出戶庭無咎子曰亂之所生也則言語為之階君不密則失臣臣不密則失身機事不密則害成是以君子慎密而不出也子曰為易者其知盜

云為之階本作以為階

藏作藏

乎言盜亦乘易曰負且乘致寇至負也者小人

之事也乘也者君子之器也小人而乘君子之器盜思奪之矣上慢下暴盜思伐之矣慢藏誨盜冶容誨淫易曰負且乘致寇至盜之招也

子曰易有聖人之道四焉以言者尚其辭以動者尚其變以制器者尚其象以卜筮者尚其占

此四存乎器象可得而用者也

是以君子將有為也將有行也問焉而以言其受命也如響無有遠近幽深遂知來物非天下之至精其孰能與於此參伍以

下作地

變錯綜其數通其變遂成天下之文極其數遂定天下之象非天下之至變其孰能與於此易無思也無為也寂然不動感而遂通天下之故非天下之至神其孰能與於此夫易聖人之所以極深而研幾也唯深也故能通天下之志唯幾也故能成天下之務極未形之理則曰深適動微之會則曰幾也唯神也故不疾而速不行而至子曰易有聖人之道四焉者此之謂也四者由聖道以成故曰聖人之道也夫易開物成務冒天下之道如斯而已者也冒覆

幾字傍書機不  
下唯幾也同

也字傍書介字

於字無  
智作知傍書智字

也言易通萬物之志成天下之務其道可以覆冒天下也是故聖人以通天下之志以定天下之業以斷天下之疑其孰能與於此哉古之聰明叡智神武而不殺者夫服萬物而不以威刑者也是以明於天之道而察於民之故以神明其德一闔一闢謂之變往來不窮謂之通見乃謂之象兆見曰象形乃謂之器成形曰器制而用之謂之法利用出入民咸用之謂之神

法象莫大乎天地變通莫大乎四時懸象著明莫大乎日月崇高莫大乎富貴位所以一天下之動而濟萬物

也。備物致用，立成器，以為天下利，莫大乎聖人。探賾索隱，鈎深致遠，以定天下之吉凶，成天下之亹亹，莫善乎蓍龜。子曰：天之所助者，順也；人

之所助者，信也。履信思乎順，是以自天佑之，吉無不利。

天地之道，貞觀者也。明夫天地萬物莫不保其貞以全其用也。日月

之道，貞明者也。天下之動，貞夫一者也。天地之

大德曰生，聖人之大寶曰位，何以守位？曰：仁。何以聚人？曰：財。財所以資物生也。理財正辭，禁民為非，曰

義

易曰：困于石，據于蒺藜。子曰：非所困而困焉，名

必辱，非所據而據焉，身必危。子曰：小人不耻不

仁，不畏不義，不見利不勸，不威不懲。小懲而大

誡，此小人之福也。易曰：履校滅趾，無咎。此之謂

也。善不積不足以成名，惡不積不足以滅身。小

人以小善為無益而弗為也，以小惡為無傷而

弗去也。故惡積而不可掩，罪大而不可解也。易

曰：荷校滅耳，凶。子曰：危者安其位者也，亡者保

微作微

其存者也。亂者有其治者也。是故君子安不忘危，存不忘亡，治不忘亂，是以身安而國家可保也。易曰：其亡其亡，繫于苞桑。子曰：德薄而位尊，知小而謀大，力少而任重，鮮不及矣。易曰：鼎折足，覆公餗，其形渥，凶。言不勝其任也。子曰：知幾其神乎？君子上交不諂，下交不瀆，其知幾乎？幾者動之微，君子見幾而作，不俟終日。易曰：介于石，不終日，貞吉。定之於始，故不待終日。君子知微知彰，知柔知剛，萬夫之望。此知幾其神者也。子曰：顏氏之子，其

殆庶幾乎？有不善，未嘗不知，知之未嘗復行也。易曰：不遠復，無祇悔，元吉。子曰：君子安其身而後動，易其心而後語，定其交而後求，君子修此三者，故全也。危以動，則民不與也；懼以語，則民不應也；無交而求，則民不與；莫之與，則傷之者至矣。

子曰：履，德之基也。基所踏也。謙，德之柄也。復，德之本

也。恆，德之固也。固不傾移也。損，德之修也。益，德之裕

也。能益物者，其德寬大也。困，德之辨也。困而益明。

之字無

之字無

夫乾天下之至健也德行恆易以知險夫坤天

下之至順也德行恆簡以知阻能悅諸心能研

諸侯之慮諸侯物主有為者也能悅萬物之心能精為者之務也定天下

之吉凶成天下之亹亹者凡易之情近而不相

得則凶近況比爻也將叛者其辭慙中心疑者其辭

枝吉人之辭寡躁人之辭多誣善之人其辭游

失其守者其辭屈

昔者聖人之作易也將以順性命之理也是以

立天之道曰陰與陽立地之道曰柔與剛立人

之道曰仁與義

羣書治要卷第一

建長七年八月十四日蒙洒掃少尹教命加愚點  
了此書非潔齋之時有披閱之恐仍先雖點未  
卷暫致遲怠是向本書事有其煩之故耳

前卷河守清原

同年九月三日即奉授洒掃少尹尊閣了抑周易  
者當世頗其說欲絕爰教隆粗憤封文之大幹  
不墮訓說之相傳雖為窮鳥之質爭無稱雄  
之思哉

前卷河守清原

丁卯二月十八日与柴擔人對技

掖齋望之

秘書監云一行  
在前卷第二下  
次下諸卷皆同

羣書治要卷第二

秘書監鉅鹿男臣魏徵等奉 勅撰

尚書

昔在帝堯聰明文思光宅天下言聖德之遠著作堯典

典者常也言可為曰若稽古帝堯言能順考古道而行之者

帝堯曰放勳欽明文思安安助功也言堯放上也

明文思之四德安允恭克讓光被四表格于上

天下之當安者也克明俊德以親

下既有四德又信恭能讓故其九族既睦平章百

名聞充溢四外至于天地也九族既睦平章百

羣書治要

卷之二

一



側作皮云今作側

侯下有君臣二字

林廣作葉云今作葉

姓百官百姓昭明協和萬邦黎民於變時雍是時

也雍和也言天下眾人皆變化從上是以風俗大和也

虞舜側微堯聞之聰明側側陋微微賤將使嗣位歷試

諸難歷試之難事慎徽五典五典克從五典五常之教也謂父義

母慈兄友弟恭子孝舜舉八元使布納于百揆

百揆時叙揆度也舜舉八凱以叙也賓于四門四門

穆穆賓迎也四門官四門也舜流四凶族諸侯來朝者舜賓迎之皆有美德無凶人也

納于大麓烈風雷雨弗迷納舜於尊顯之官使大錄萬機之政於是

陰陽清和烈風雷雨各以期應不有迷錯讐伏明舜之行合於天心也正月初日

受終于文祖堯天祿永終舜受之也五載一巡

狩羣后四朝敷奏以言明試以功車服以庸敷

猶遍進也諸侯每見皆以次序徧進而問焉以觀其才既則效試其居國為政以著其功賜之

車服以旌其象以典刑典常也象用之者謂上所

下刑墨綵以居州里流宥五刑流放也宥三宥而民耻之而反於禮

犯五刑眚災肆赦眚過也災害也肆失也言

之罪也終賊刑怙謂怙赦宥而為者也流共工于幽洲

共工窮奇也放讎兜于崇山讎兜渾敦崇

幽洲北裔也苗于三危三苗國名也縉雲氏之後為諸侯號饕餮也三危西裔也殛鯀于

而民耻之而返於禮  
已其耻之如故然  
也十字  
以作所

羽山也。絳、檣、杭也。廔、誅也。羽山、東裔也。四罪而天下咸服美舜之行故本

其徵用也。二十有八載放勛乃徂落，百姓如喪考

妣，三載四海遏密八音。遏，絕也。密，止也。堯崩，百姓如喪父母，絕止金石

樂也。八音之樂也。舜格于文祖，詢于四岳，闢四門。開闢四

廣致衆賢也。明四目。明視四方也。達四聽。聽達於四方也。柔遠能

邇。能安遠者則能安近也。不能安遠也。敦德允元。所厚而尊者德

也。所信而悅耳目以理難之也。而難任人。任，任也。辨給之言，易也。蠻夷

率服。遠無不服。三載考績，三考黜陟幽明。黜，退也。陟，升也。三歲考功，九載三考，退其幽

闇無功者，升其昭明有功者也。庶績咸熙。九

三考衆功皆興也。

曰：若稽古大禹，曰：后克艱厥后，臣克艱厥臣，政

乃乂，黎民敏德。敏，疾也。能知爲君之難，爲臣不

也。帝曰：兪允若茲，嘉言罔攸伏，野無遺賢，萬邦

咸寧。攸，所也。嘉言無所伏，言必用也。誓于衆，舍

已從人，弗虐無告，弗廢困窮，惟帝時克。帝謂堯也。舜因

帝德廣運，乃聖乃神，乃武乃文。益，因舜言，又美

者大，運謂所及者遠，聖無不通，神益也。廣謂所覆妙無方，文經緯天地，武定禍亂也。皇天眷命，奄

御書作響注同

有四海為天下君言堯有此德故為天禹曰惠

迪吉從逆凶惟影響迪道也順道吉從逆凶吉

應聲言不虛益曰吁戒哉敬戒無虞罔失法度罔遊

于逸罔淫于樂淫過也遊逸過樂敗德之源任

賢勿貳去邪勿疑疑謀勿成百志惟熙一意任賢果於

去邪疑則勿行道義所存於心者日以廣也罔違道以干百姓之譽

干求也失道求名古人賤之也罔拂百姓以從已之欲拂戾也專欲難

成犯眾興禍故戒也無怠無荒四夷來王言天子常戒慎無怠惰荒廢則

四夷歸往之也禹曰於帝念哉德惟善政政在養民水

火金木土穀惟修言養民之本在正德利用厚

生惟和正德以率下利用以阜財厚生九功惟

序九序惟歌言六府三者和所謂善政也戒之用

休董之用威勸之以九歌俾勿壞休美也董督也言善政之

道美以戒之威以督之歌以勸之使政勿壞在此三者也帝曰兪地平天成

六府三事允治萬世永賴時乃功水土治曰平五行叙曰成

因禹陳九功而歎美之言是汝之功也帝曰咎繇惟茲臣庶罔或

干予正或有也無有干汝作士明于五刑以弼

五教期于予治欲其能以刑輔刑期于無刑民

傍書云今作單詞

欽作款

刑字無

德作惠五今作德  
德作信書云今作德

德作惠五今作德  
二五今作序

協于中時乃功懋哉雖或行刑以殺止殺終無

合于大中是汝咎繇曰帝德罔讐臨下以簡御

眾以寬君人臣之義也罰弗及嗣賞延于世亦嗣

世也延及也父子罪不相及宥過無大刑故無

小過誤所犯雖大必宥不罪疑惟輕功疑惟重

刑疑附輕賞疑與其殺弗辜寧失不經好生之

德洽于民心茲用弗犯于有司咎繇因帝勉已

以明民不犯上也寧失不常之帝曰來禹汝惟

弗矜天下莫與汝爭能汝惟弗伐天下莫與汝

爭功自賢曰矜自功曰伐言禹推善讓入而不

也人心惟危道心惟微惟精惟一允執厥中

危則難安微則難明故無稽之言勿聽弗詢之

謀勿庸無考無信驗也不詢專獨也可愛非君

可畏非民眾非元后何戴后非眾罔與守邦庶

以君為命故可愛君失道民叛之故可畏言惟

口出好興我朕言弗再好謂賞善我謂伐惡言

成於帝曰咨禹惟時有苗弗率汝徂征三苗之

王誅率循也徂往也禹乃會羣后誓于師

云堤本作慢

德作惠注同下

活本無有字

無拜昌言三字

曰濟濟有衆咸聽朕命會諸侯共伐有苗也軍

也也蠢茲有苗昏迷弗恭蠢動也昏闇也言侮慢

自賢反道敗德狎侮先王輕嫚典教君子在野

小人在位廢仁賢任姦佞民棄弗保天降之咎言民叛

之肆予以爾衆士奉詞伐罪肆故爾尚一乃心

力其克有勲三旬有苗民逆命益贊于禹曰惟

德動天無遠弗届滿招損謙受益時乃天道自

者人損之自謙者人益之是天道之常至誠感神矧茲有苗至和

況有苗也禹拜昌言曰兪班師振旅以益言為

誠作誠

遂班師兵入曰帝乃誕敷文德遠人不服大布

振旅言整衆也文德以來之也

也也舞干羽于兩階七旬有苗格討而不服不討自

咎繇曰允迪厥德謨明弼諧迪蹈厥其也其古

當信蹈行古人之德謀人謨謀也言人君

廣聰明以輔諧其政也禹曰兪如何然其言問

咎繇曰都慎厥身脩思永歎美之重也慎脩其

惇叙九族庶明厲翼邇可遠在茲言慎脩其身

則衆庶皆明其教而自勉厲翼戴禹拜昌言曰

兪故拜受而然之咎繇曰都在知人在安民修

焉字傳書云本作勵

臨下有也字  
厥其也其古人謨謀  
也此字作其其古人  
謨謀於人也活本於

古本傳書  
云今作日平  
陶

身親親之道在知人、禹曰、吁、咸若時、惟帝其難

之、言帝堯亦以知人、則哲、能官人、安民則惠、

黎民懷之、哲、知也、無所不知、故能官、能哲而惠、

何憂乎驩兜、何遷乎有苗、何畏乎巧言令色孔

壬、孔、甚也、壬、佞也、巧言、靜言庸違也、令色、象恭

其亂政、故、咎繇曰、都亦行有九德、言人性行有

真偽、則、寬而栗、性寬弘而、柔而立、和柔而、愿而

恭、慤愿而、亂而敬、而能謹敬也、擾而毅、擾順也、

也、直而溫、行正直而、簡而廉、性簡大而、剛而塞、

剛斷而、彊而義、無所屈撓、彰厥有常、吉哉、彰明

善也、明九德之常、以擇、九德咸事、俊乂在官、九使

德之人皆用事、則俊德、百僚師師、百工惟時、僚

皆官也、師、師相師法也、庶績其凝、凝、成也、言百

無教逸欲、有邦、不為逸豫、貪欲之、教、兢兢業業、

一日二日萬幾、兢兢、戒懼、萬事微也、無曠庶官、天

工人其代之、曠、空也、位非其人、為空官、言人代

政事懋哉、言無非天意者、故人君居天官、

帝曰、吁、臣哉鄰哉、鄰哉、臣哉、禹曰、兪、鄰、近也、言

無堯字

而能作能而

相須而成也。帝曰：臣作朕股肱耳目。言大體若身也。予欲左

右有民，汝翼。左右助也。助我所有之民。予欲觀

古人之象，欲觀示法象。以五采彰施于五色，作

服，汝明。天子服日月以下，諸侯自龍袞以下，上得兼下，下不得僭上，以五采明施于五

色，作尊卑之服。予欲聞六律五聲八音，以出納

五言，汝聽。言欲以六律和聲音，出納仁義禮智信五德之言，施於民以成化，汝當聽

之。予違汝弼，汝無面從，退有後言。我違道，汝當

無得面從我違，退後言我不可弼也。禹曰：兪哉！萬邦黎獻，共惟帝

臣。惟帝時舉，敷納以言，明庶以功，車服以庸。賢

也。萬國衆賢共爲帝臣，帝舉是而用之，使陳布其言，明之皆以功大小爲差，以車服旌其能用也。誰敢弗讓，敢弗敬應。上唯賢是用，則下皆敬應上命，而讓善也。帝

弗時，敷同。日奏罔功，帝用臣不是，則遠近布同而日進於無功，以賢愚並

位，優劣共流故也。無若丹朱，曩惟慢遊是好。丹朱堯子，舉以戒也。

傲虐是作，罔晝夜頌頌。傲戲而爲虐，無晝夜常頌頌，肆惡不休息也。

罔水行舟，朋淫于家，用殄厥世。朋，羣也。丹朱習於無水陸地行

舟，言無度也。羣淫於家，妻妾亂也。用是絕其世，不得嗣也。帝其念哉！夔曰：於

予擊石拊石，百獸率舞。庶尹允諧。尹，正也。衆正官之長，信皆

和諧，言神人治也。始於任賢立政，以禮治成以樂，所以致太平也。帝庸作歌曰：

云底本作試，活本明下有試字。

之字無。

云曩今作傲，慢作慢云今作慢。

傲作教云本作傲，云本本作無。

行舟作舟行云本作行舟。

治作洽。

無致字云本有致字。

勅天之命惟時惟幾勅正也奉正天命以臨民惟在順時惟在慎微也

乃歌曰股肱喜哉元首起哉百工熙哉元首君也股肱

之臣喜樂盡忠君之治功乃起百官之業乃廣也咎繇拜手稽首乃賡

載歌曰元首明哉股肱良哉庶事康哉賡續也載成也

帝歌歸美股肱義未足故續歌先君後臣衆事乃安以成其義也又歌曰元首

叢脞哉股肱惰哉萬事隳哉叢脞細碎無大畧也君如此則臣懈

隋萬事隳廢其功不成歌以申戒也帝拜曰兪欽哉拜受其歌戒羣臣自今已

往敬職也太康尸位以逸豫啓子也尸主也位爲逸豫不勤也以尊滅厥德

樂有重樂字

廢作廢

侯本作後

活本修作情

敬畏本作畏敬

原作慄

古本馬作高云本作馬

黎民咸貳君喪其德則衆民二心也乃盤遊無度盤樂遊逸無法度也

攷于有洛之表十旬弗反洛水有窮后羿因民表也有窮后羿因民

弗忍拒于河有窮國名羿諸侯名也拒太康於河遂廢之也厥弟五人

御其母以從御侍言從攷也俟于洛之汭五子咸怨待太

康怨其久攷失國也述大禹之戒以作歌述循也其一曰民惟邦本本固邦寧言人君當固民以安國也予視天下愚夫

愚婦一能勝予言能敬畏小民所以得衆心也怨豈在明不見

是圖不見是謂備其微也予臨兆民廩乎若朽索之馭六

馬廩危貌也朽腐也腐索御馬言危懼甚也爲人上者奈何弗敬能敬



字作寓云本作  
職作彫

則不驕在上不驕其  
則高而不危也  
其二曰訓有之內作色荒外

作禽荒迷亂曰荒甘酒嗜音峻宇雕牆有一于此未

或弗亡此六者有一必亡況兼有乎其三曰惟彼陶唐有此

冀方陶唐帝堯氏都冀州也今失厥道亂其紀綱乃底滅

亡言失堯之道亂其法自致亡滅也其四曰明明我祖萬邦之

君有典有則貽厥子孫典謂經籍也則法也荒隨厥緒覆

宗絕祀言古制存而太康失其業以亡也其五曰烏虜曷歸予

懷之悲曷何也言思而悲也萬世仇予予將疇依仇怨也言當依

誰以復國乎鬱陶乎予心顏厚有忸怩鬱陶言哀思也顏厚色愧

一本古下有字

無天字

忸怩心慙也慙愧於仁人賢士也弗慎厥德雖悔可追言人君行已不

慎其德以速滅敗雖欲改悔其可追及乎言無益也

成湯放桀于南巢惟有慙德有慙德慙德不及古也曰予

恐來世以台為口實恐來世論道我放天子常不去口也仲虺乃

作誥陳義告湯可無慙也曰烏虜惟天生民有欲無主乃

亂民無君主則恣情欲必致禍亂也惟天生聰明時乂言天生聰明是

治民也亂也有夏昏德民墜塗炭夏桀闇亂不恤下民民之危險若陷泥墜

火無救之者惟王弗邇聲色弗殖貨利邇近也德懋懋

官功懋懋賞用人惟己改過弗吝勉於德者則勉之以官勉

懋懋作懋亦本懋

一本四展作衆

無故字

無一君字

懋作懋云今作懋

中作忠

世有之字

無之

卷之二

於功者亦勉之以賞用人之言若自己出克寬

有過則改無所恡惜所以能成王業者也

克仁彰信兆民言湯寬仁之德乃葛伯仇餉初

征自葛東征西夷怨南征北狄怨葛伯遊行見

民室家相慶曰後予后后來其蘇湯所往之民

君君來其皆喜曰待我右賢輔德顯忠進良賢則助之德則

良則進之推亡固存邦乃其昌輔之忠則顯之

此國乃昌盛也亡之道則推而德日新萬邦惟懷志自滿九

族乃離日新不懈怠也王懋昭大德建中于民

以義制事以禮制心垂裕後昆欲王自勉明大

於民率義奉禮垂優德立大中之道予聞曰能自得師者王求

賢而謂人莫己若者亡益己亡之道好問則

裕自用則小不問專固所以小也烏虜慎厥終

惟其始靡不有初鮮克有終殖有禮覆昏暴有

者封殖之昏故戒慎終如其始也欽崇天道永保天命王者如此上

暴者覆亡之命之道也

王歸自克夏至于亳誕告萬方誕大也以天命

衆曰夏王滅德作威以敷虐于爾萬方百姓夏

人

敢下有自字

懋作懋

昭作昭

並化作化並

一本有作在

敢作田云本作敢

滅道德作威刑以布行虐肆台小子將天命明

威弗敢赦其爾萬方有罪在予一人自責化予不至也

一人有罪無以爾萬方無用汝萬方言非所及也烏虜尚克

時忱乃亦有終忱誠也庶幾能是誠道乃亦有終世之美也

成湯既歿伊尹作伊訓作訓以教道太甲也曰烏虜古有

夏先后方懋厥德罔有天災先君謂禹以下少康以上賢王言能以德禳災也

于其子孫弗率皇天降災假手于我有

命言桀不循其祖道天下禍災借手於我有命商王誅討之也惟我商王布

昭聖武代虐以寬兆民允懷言湯布明武德以寬政代桀虐政兆

民以此皆信懷我商王之德也今王嗣厥德罔弗在初言善惡之由無

不在初欲其慎始也立愛惟親立敬惟長始于家邦終于

四海言立愛敬之道始於親長洽四海也烏虜先后敷求

哲人俾輔于爾後嗣敷求賢智使師輔於爾嗣王言仁及後世也制

官刑儆于有位言湯制治官刑法儆戒百官也曰敢有恆舞于

宮酣歌于室時謂巫風常舞則荒淫也樂酒曰酣事鬼神曰巫也敢

有殉于貨色恆于遊畋時謂淫風殉求也昧求財貨美色常

遊戲田獵是淫過之風俗敢有侮聖言逆忠直遠耆德比頑

童時謂亂風狎侮聖人之言而不行拒逆忠直之規而不納耆年有德疏遠之童

童時謂亂風

怨作信云今

雅頹器親比之是謂荒亂之風俗也

惟茲三風十愆卿士有一于

身家必喪有一過則德義廢邦君有一于身國

必亡諸侯犯此國臣下弗匡其刑墨邦君卿士則以爭臣

自匡正臣不正君服墨刑鑿其頷涅以墨也烏虜嗣王祗厥身念哉

言當敬身念祖德也惟上帝弗常作善降之百祥作不善

降之百殃祥善也天之禍福唯善惡所在不常在一家也爾惟德罔小

萬邦惟慶修德無小則爾惟弗德罔大墜厥宗

苟為不德無大必墜失宗廟此伊尹至忠之訓也太甲既立弗明不用伊尹之訓伊尹放諸桐湯葬

修作脩

地也主祖桐宮居憂往入桐宮居憂位也克終允德言能思終其信德也

惟三祀伊尹奉嗣王歸于亳王拜稽首曰予小

子弗明于德自底弗類類善也闇於德欲敗度

縱敗禮以速戾于厥躬速召也言已放縱情欲毀敗禮儀法度以召罪

於其身也災可避自作天作孽猶可違自作孽弗可追孽災也追

災不可逃也既往背師保之訓弗克于厥初尚

賴匡救之德圖惟厥終言己已往之前不能脩德於其初今庶幾賴教

訓之德謀終於伊尹拜手稽首拜手首至手也曰修厥

無於字

拜手首至手也拜君至首也

身允德協于下、惟明后、言脩其身、使信德合于群下、惟乃明君、先

王子惠困窮、民服厥命、罔有弗悅、言湯子愛困窮之人、使皆

得其所、故民心服其教令、無有不欣喜也、奉先思孝、接下思恭、以念

為孝、以不驕慢為恭也、視遠惟明、聽德惟聰、言當以明視遠、以聰聽德、

朕承王之休、無斁、王所行如此、則我承王之美、無厭也、

伊尹申誥于王曰、烏虜、惟天無親、克敬惟親、言

於人無所親疏、唯親能敬身者、民無常懷、懷于有仁、民所歸無常、以仁政

也、鬼神無常享、享于克誠、言鬼神不保一人、能誠信者、則享其

祀、天位難哉、言居天子之位、難、以此三者、德惟治、否德亂、為

以、德則治、不與治同道、罔弗興、與亂同事、罔弗

亡、言安危在所任、治亂在所法也、若升高必自下、若陟遐必自

邇、言善政有漸、如登高升遠、必用下近為始、然後致高遠也、無輕民事、惟難、

無輕為力、役之事、必重難之、乃可也、無安厥位、惟危、言當常自危懼、以保其位

也、慎終于始、於始慮終、於終慮始、有言逆于汝心、必求諸

道、人以言拂違汝心、必以道義求其意、勿拒逆之也、有言遜于汝志、必

求諸非道、遜、順也、言順汝心、必以非道察之、勿以自臧也、烏虜、弗慮胡

獲、弗為胡成、一人元良、萬邦以貞、胡、何也、貞、正也、言常念慮

道德、則得道德、念為善政、則成善政也、一君罔

今作命云本作令  
喜下有者字

以辨言亂舊政利口覆國家臣罔以寵利居成

功成功不退其志無限邦其永孚于休言君臣各以其

道則國長信保於美也

伊尹既復政厥辟還政將告歸乃陳戒于德告

歸邑陳德以戒曰烏虜天難忱命靡常以其無常故難信也常厥

德保厥位厥德匪常九有以亡人能常其德則安其位九有諸

侯也夏王弗克庸德慢神虐民言桀不能常其德不敬神明不恤下

民皇天弗保言天不安眷求一德俾作神主天

一德使代桀為天地神祇之主惟尹躬暨湯咸有一德克享天

心受天明命享當也非天私我有商惟天祐于一

德非天私商而王之也非商求于下民惟民歸

于一德非商以力求民德惟一動罔弗吉德二

三動罔弗凶惟吉凶不僭在人惟天降災祥在

德行善則吉行惡則凶是不差也德一今嗣王

新服厥命惟新厥德其命王命也新其德戒勿怠也終始惟一

時乃日新言德行終始不衰殺任官惟賢材左

右惟其人官賢才而任之非賢才不可任也其

難其慎惟和一其難無以為易也其慎無以輕之也羣臣當和一心事君

忱本作堪

暨作泉去摺本作暨

無於一字

德下一不作壹

左右作右左

政乃善也。后非民罔使，民非后罔事。君以使民自尊，民以事君自生。

無自廣以狹人，匹夫匹婦弗獲自盡，民主罔與

成厥功。上有狹人之心，則下無所自盡矣。言先盡其心，然後乃能盡其力。人君所以成

功也。

高宗夢得說。小乙子也，名武丁，夢得賢相，其名曰說也。使百工營求

諸野，得諸傅岩。使百官以所夢之形象經營求之於外野，得之於傅岩之溪也。

曰：朝夕納誨，以輔台德。言當納諫誨，直辭以輔我。若金用汝

作礪，若濟巨川，用汝作舟楫。若歲大旱，用汝作

霖雨。啓乃心，沃朕心。若藥弗瞑眩，厥疾弗瘳。開汝

無乃字云異本有

若作巖注同

官作于溪作谿

暨作泉

蕪作概

心以沃我心，如服藥必瞑眩極其病乃除，欲其出切言以自警也。若跣弗視地

厥足用傷。跣必視地，足乃無害。惟暨乃僚，罔弗

同心，以匡乃辟。與汝並官，皆當倡率，無不同心，以匡正汝君也。說復于

王曰：惟木從繩則正，后從諫則聖。言木以繩直，君以諫明也。

后克聖，臣弗命其承。君能受諫，則臣不待命，其承意而諫也。誰敢

弗祇若王之休命。言如此，誰敢不敬順王之美命而諫也。

惟說命總百官，在冢宰之任也。乃進于王曰：烏虜，明王

奉若天道，建邦設都。天有日月五星，皆有尊卑相正之法，言明王奉順此

道以立國，設都也。樹后王君公，承以大夫師長。言立君臣上下

也將陳為治之本，弗惟逸豫，惟以亂民。不使有

故先舉其始也。豫於民上也，言立惟口起羞，惟甲冑起戎。言不

之主使治民也。教令易惟衣裳在笥，惟干戈省厥躬。言服不可

用兵也。兵不可任王惟戒茲，允茲克明，乃罔弗休。言王

非其才也。四惟之事，信能明惟治亂在庶官。所官得人則

政乃無不美也。也官弗及私昵，惟其能。不加私昵，唯爵弗及惡

也。德惟其賢，言非賢慮善以動，動惟厥時。非善非

動也有其善，喪厥善，矜其能，喪厥功。雖天子亦必

無啓寵納侮。開寵非其人，則無耻過作非。耻過

文之遂成，大非。王曰：旨哉說，乃言惟服。言皆美也，美其所

乃弗良于言，予罔聞于行。汝若不善於所言，則

說拜稽首曰：非知之艱，行之惟艱。言知之易，而

高宗也。王曰：來汝說，爾惟訓于朕志。言汝當教訓於我

若作酒醴，爾惟麴孽。酒醴須麴孽以成，若作和

羹，爾惟鹽梅。鹽鹹，梅酢，羹須說曰：王人求多聞，

時惟建事，學于古訓，乃有獲。王者求多聞以立

也。得事弗師古，以克永世，匪說攸聞。事古訓乃有所

也而能以能長世。

亦下有言字

古本云弗本作罔



非所聞、王曰、烏虜說、四海之內、咸仰朕德、時乃風、

風、教也、使天下皆仰我德、是汝教也、股肱惟人、良臣惟聖、手足具乃成人、

有良臣、乃成聖也、昔先正保衡、作我先王、保衡、伊尹也、作、起也、正、長

也、言先世長官之臣也、乃曰、予弗克俾厥后、惟堯舜、其心

愧耻、若撻于市、言伊尹不能使其君如堯舜、一則心耻之、若見撻于市也、

夫弗獲、則曰、時予之辜、伊尹見一夫不得其右所、則以為已罪也、右

我烈祖、格于皇天、言以此道左右成湯、功至大天、爾尚明保、

罔俾阿衡、專美有商、汝庶幾明安我事、與伊尹同美也、惟后非

賢弗乂、惟賢非后、弗食、言君須賢以治賢、須君以食也、其爾克

紹乃辟于先王、永綏民、能繼汝君於先王、長安民、則汝亦有保衡之功也、

也、說拜稽首曰、敢對揚天子之休命、受美命而稱揚之也、

武王伐殷、師渡盟津、王曰、今商王受、弗敬上天、

降災下民、沈湎冒色、敢行暴虐、沈湎、嗜酒、冒亂女色、敢行酷暴

虐殺無辜也、罪人以族、官人以世、一人有罪、刑及父母兄弟、妻子、言淫

濫也、官人、不以賢才、而以父兄、所以政亂也、焚炙忠良、剝斃孕婦、忠良無罪、焚炙之、懷子之婦、

剝剔視之、言暴虐也、皇天震怒、惟受罔有悛、

心乃夷、居弗事上帝、神祇遺厥先宗、廟弗祀、悛、改也、言紂縱惡無改心、平居無故、乃曰、吾有民有

廢天地百神宗廟之祀、慢甚也、

無考字

爾作介 與上有則

命罔懲其侮紂言吾所以有兆民有天命故也同

力度德同德度義力鈞則有德者勝德鈞則秉義者疆揆度優劣勝負可見

受有臣億萬惟億萬心人執異心不和諧也予有臣三千

惟一心三千一心言同欲也商罪貫盈天命誅之予弗順

天厥罪惟鈞紂之為惡一以貫之惡貫已滿天畢其命今不誅紂則為逆天與紂

天矜于民民之所欲天必從之除惡樹善與

時哉不可失言今我伐紂正是天人合同之時不可違失也

王次于河朔次止羣后以師畢會王乃徇師而誓

曰我聞吉人為善惟日弗足凶人為不善亦惟

無滿天已下與紂已上十五字罪下有近字

弗作不云本弗

為稱犁老古本作老和梨字

日弗足言吉人竭日以行為善凶人亦竭日以行惡者也今商王受力行

無度播棄黎老昵比罪人給背之者稱犁老布棄不禮敬也昵近也

剝喪元良賊虐諫輔殺也元善之

無益謂暴無傷天其以予乂民用我治民當除惡也受有

億兆夷人離心離德平人凡人也雖多而執心用德不同也予有

亂臣十人同心同德我治理之臣雖少而心德同也今朕必往

百姓廩廩若崩厥角言民畏紂之虐危懼不安若崩摧其角無所容頭也

烏虜乃一德一心立定厥功惟克永世汝同心立功則

書卷之二 十九

能長世以安也

王曰商王受自絕于天結怨于民

不敬天自絕之也酷虐民

結怨也

斲朝涉之脛剖賢人之心崇信姦回放黜

師保屏棄典刑囚奴正士

屏棄常法而不顧也箕子正諫而以爲囚

也郊社弗修宗廟弗享作奇伎淫巧以悅婦人

古人有言曰撫我則后虐我則讎

武王述古言以明義言非

唯今惡

獨夫受洪惟作威乃汝世讎

言獨夫失君道也大

作威殺無辜乃是汝累世讎明不可不討也

樹德務滋除惡務本

立德

務滋長除惡務除本

肆予小子誕以爾衆士殄

殲乃讎

言欲行除惡之義絕盡紂也

武王與受戰于牧野王曰古人有言牝雞無晨

言無晨鳴之道

牝雞之晨惟家之索

索盡也喻婦知外事雌代雄鳴則家

盡婦奪夫政則國亡也

今商王受惟婦言是用

紂已惑紂紂信用之

乃惟四方之多罪逋逃是崇是長

言紂棄其忠臣而尊長逃

亡罪人信用之

是信是使是以爲大夫卿士俾暴虐于

爾百姓以姦宄于商邑

使四方罪人暴虐姦宄於都邑也

今予

發惟冀行天之罰

王來自商至于豐乃偃武修文

倒載干戈示不復用也行禮射

也上有之

義作美云本作義

無是字

無之字

爾作余云本无無也字

修作脩注同

設庠序、修文教也。歸馬于華山之陽，放牛于桃林之野。

示天下弗服。示天下不復乘用也。主若曰：今商王為天下

逋逃主，肆予東征，陳于商郊，受率其旅若林，會

于牧野，罔有敵于我師，前徒倒戈，攻于後，以北

血流漂杵，壹戎衣，天下大定。一著戎服而滅紂，言與眾同心，動有

成功也。釋箕子囚，封比干墓，式商容閭。封，益其土也。商容賢

人，紂所黜退。散鹿臺之財，發巨橋之粟。紂所積之府倉也，皆散發

以賑貧民也。大賚于四海，而萬姓悅服。施舍已責，救

周有大賚也。天下皆悅，仁服德也。

舊無功 字無益 字皆補 之

西旅獻獒。西旅，遠國也。大保乃作旅獒，用訓于王。

陳貢獒之義。曰：烏虜，明王慎德，四夷咸賓。言明

德以懷遠，故四夷皆賓服。無有遠近，畢獻方物，惟服食器用。

天下萬國，盡貢方土所生之物，惟可供服食器用者，言不為耳目華侈。王乃昭德

之，致于異姓之邦，無替厥服。德之所致，謂遠夷之貢也，以分賜異

姓諸侯，使無廢其職也。分珪玉于伯叔之國，時庸展親，以

玉分同姓之國，是用誠信其親親之道也。人弗易物，惟德其物。言物

則物賤，所貴在德也。德盛弗狎侮。盛德必自敬，何狎易

有也。狎侮君子，罔以盡人心。以虛受人，則人盡其心矣。狎

獒作教下同 注旅作戎

昭作照

古本是有下有已字 云本无

侮小人罔以盡其力以悅使民民忘其勞則盡力矣玩人喪德

玩物喪志以人為戲弄則喪其德矣以器物為戲弄則喪其志矣弗作無

益害有益功乃成弗貴異物賤用物民乃足遊觀

為無益奇巧為異物言明王之道以德義為益器用為貴所以化俗生民犬馬非其

土生弗畜非此土所生不畜以不習其用珍禽奇獸弗育于國

皆非所用有所損害故也弗珣遠物則遠人格不侵奪其所利則來服

珣惟賢則邇人安寶賢任能則邇人安烏虓夙

夜罔或弗勤言當常勤於德弗務細行終累大德輕忽小物

積害毀大故君子慎其微也為山九仞功虧一簣諭向成也未成一簣

猶不為山故曰功虧一簣是以聖人乾乾日側慎終如始也允迪茲生民保

厥居惟乃世王言其能信蹈行此誠則生民安其居天子乃世世王天下也武

王雖聖猶設此誠況其非聖可以無誠乎其不免於過則亦宜矣

王若曰小子封封康叔名惟乃丕顯考文王克明德

慎罰弗敢侮鰥寡庸庸祗祗威威顯民惠恤窮民不慢

鰥夫寡婦用可用敬可敬刑可刑明此道以示民也天乃大命文王殪戎

殷誕受厥命天美文王乃大命之殺兵殷大受其王命往盡乃心無

康好逸豫往當盡汝心為政也我聞曰怨弗在大

亦弗在小惠弗惠懋弗懋不在大起於小也不在小小至於大也言

二懋作懋小至上有於字

二懋作懋小至上有於字

民下有也

用下有也

暇下有也

務作矜

哀書贊字

說作祗

二懋作懋小至上有於字

怨不可為故當使不順者順不勉者勉也若保赤子惟民其康乂養

惟民其皆安治也欲非汝封刑人殺人言得刑殺人也

無或刑人殺人無以得刑殺人也非汝封劓刑人

劓截鼻也無或劓刑人所以舉輕刑以戒王曰

封元惡大憝矧惟弗孝弗友言人之罪惡莫大於不孝不友乃

其速由文王作罰刑茲無赦言當亦速用文王所作違教之罰刑

此無得赦也敬哉無作怨勿用非謀非彝言當脩已以敬無為

可怨之事勿用非善之謀非常之法小子封惟命弗于常當念天

於常也行善則得之行惡則失之

王若曰乃穆考文王誥庶邦御事朝夕曰祀茲

酒文王所告衆國治事吏朝夕勅曰小大邦用

喪亦罔非酒惟辜於小大之國所用喪飲惟祀

德將無醉飲酒惟當因祭祀在昔殷先哲王惟

御事弗敢自暇自逸惟殷御治事之臣不矧曰

其敢崇飲崇聚也自逸暇猶不弗惟弗敢亦弗

暇非徒不敢志在助在今後嗣王酣身嗣王紂

其身不憂政也惟荒腆于酒弗惟自息言紂大厚於酒

庶羣嗜酒腥聞在上故天降喪于殷紂衆羣臣

衆羣臣作衆

腥穢聞在天故天非虐惟人自速辜言凡為天

下喪亡於殷也虐人惟人所行惡自召罪古人有言曰人無于水鑿當于民

鑿古賢聖有言人無於水鑿當於民鑿也視水見己形視民行事見吉凶今惟殷

墜命我其可弗大鑑今惟殷紂無道墜失天命我其可不為戒也

周公作無逸中人之性好逸豫成王即政周公

曰烏虐君子所其無逸德其無逸豫也君子且

猶然況王者乎先知稼穡之艱難乃逸則知小人之依

稼穡農夫之艱難事先知之乃謀逸豫則知小民所依怙我聞曰昔在殷王

中宗大戊也治民祇懼弗敢荒寧為政敬身畏懼不敢荒怠自安

享國七十有五年以敬畏之故得壽考之福也其在高宗嘉

靖殷邦至于小大無時或怨善謀殷國至於小大之政民無時有怨

也享國五十有九年其在祖甲湯孫太甲爰知小人

之依能保惠于庶民弗侮鰥寡知小人之所依依仁政也故能

安順於眾民不敢侮慢惇獨也享國三十有三年自時厥後立

王生則逸從是三王各承其後而立者生則逸豫無法度也弗知稼穡

之艱難弗聞小人之勞惟耽樂之從過樂謂之耽惟耽樂

之從言荒淫亦罔或克壽以耽樂之故無有能壽者也或十年或

七八年或四三年高者十年下者三年言逸樂之損壽也惟我周

或七作七年

祇作祇安下有也字

大王王季克自抑畏也大王周公曾祖王季即祖也言皆能以義自抑畏敬

天命也文王昇服文王節儉自朝至于日中昃弗

皇暇食用咸和萬民從朝至日昃不暇食思慮政事用皆協和萬民者也

厥享國五十年自殷王中宗及我周文王茲四

人迪哲言此四人皆蹈智明德以臨下也厥或告之曰小人怨

汝詈汝則皇自敬德其有告之言小人怨詈者則大自敬德增修善政也

此厥弗聽人乃或譎張為幻曰小人怨汝詈汝

則信之此其不聽中正之君有人誑惑之也亂罰

無罪殺無辜怨有同是叢于厥身信讒含怒罰殺無罪則天

下同怨讎之叢聚於其身也烏虜嗣王其監于茲視此亂罰之禍以為

戒也蔡叔既沒以罪放而卒也王命蔡仲踐諸侯位王成王也父卒

命子罪不相及王若曰小子胡胡仲名也皇天無親惟德是

輔民心無常惟惠之懷天之於人無有親疎惟有德者則輔佐之民心

於上無有常主惟愛已者則歸往之為善弗同同歸于治為惡弗

同同歸于亂爾其戒哉慎厥初惟其終康濟小

民率自中無作聰明亂舊章汝為政當安小民之業循用大中之

道無敢為小聰明作異詳乃視聽罔以側言改

辨以變亂舊典文章也

無德字

修作脩

罪作理

循作脩



厥度則予一人汝嘉

詳審汝視聽非禮義勿視聽也無以邪巧之言易其

常度必斷之以義則我一人善汝矣小子胡汝往哉無荒棄朕命

汝往之國無廢我命欲其終身奉行之

王若曰猷告爾四國多方

順大道告四方

惟聖罔念作

狂惟狂克念作聖

惟聖人無念於善則為狂人惟狂人能念善則為聖人言

桀紂非實狂愚以不念善故滅亡也

自作不和爾惟和哉爾室弗

睦爾惟和哉爾邑克明爾惟克勤乃事

小大衆官自為

不和汝有方多士當和之哉汝親近室家不睦汝亦當和之汝邑中能明是汝惟能勤職事也

周公戒于王曰文王罔攸兼于庶言庶獄庶慎

惟有司之牧夫

文王無所兼知於毀譽衆言及衆刑獄衆所當慎之事惟慎擇

有司牧夫而已勞於求才逸於任賢

是訓用違庶獄庶慎文王罔

敢知于茲

是萬民順法用違法衆獄衆慎之事文王一無敢自知於此委任賢能而

也武王率惟救功弗敢替厥義德

武王循惟文王撫安天下

之功不敢廢其義德奉遵父道也

孺子王矣

稚子今已為王矣不可不勤法祖考

也繼自今文子文孫其勿誤于庶獄庶慎惟正

是又之

文子文孫文王之子孫也從今以往惟以正是之道治衆獄衆慎其勿誤也

王曰若昔大猷制治于未亂保邦于未危

言當順古

大道制治安國必於未亂未危之前思患豫防之

曰唐虞稽古建官惟

救作撫傍書教字

之有也

百內有百揆四岳外有州牧侯伯道堯舜考古以建百官上

下相維內庶政惟和萬國咸寧官職有序故眾

安所以為夏商官倍亦克用乂禹湯建官二百亦能用治言不

及唐虞之明王立政弗惟其官惟其人言聖帝

清要也立太師太傅太保茲惟三

公論道經邦燮理陰陽師天子所師法傳傅相

義者也此惟三公之任佐王論官弗必備唯其

人三公之官不必備員惟少師少傅少保曰三

孤孤特也昇於公尊於貳公弘化寅亮天地弼

予一人副貳三公弘大道化敬信冢宰掌邦治

統百官均四海天官卿稱太宰主國政治統理

大司徒掌邦教敷五典擾兆民地官卿主國教

安和天下眾民宗伯掌邦禮治神人和上下春

使小大協睦也司馬掌邦政

統六師平邦國夏官卿主戎馬之事掌國征伐

也司寇掌邦禁詰姦慝刑暴亂秋官卿主寇賊

疆暴作司空掌邦土居四民時地利冬官卿主

亂者也六卿分職各帥其屬以

修作脩

貳作二

廟作廣

惡作匿

倡九牧、阜成兆民。

六卿各率其屬官大夫士治其所分之職以倡導九州之

命皆能其官則政治矣

王曰：烏虜，凡我有官

君子，欽乃攸司，慎乃出令，令出惟行，弗惟反。

君子大夫以上也，歎而戒之，使敬所司，慎出令從政之本也，令出必惟行之，不惟反改，二三其

令，亂之道也。以公滅私，民其允懷。

從政以公平滅私情則民其信歸之學古入官，議事以制，政乃弗迷。

凡制事必以古義，議度然後入官治政其爾典常作師，無以利

口亂厥官。

其汝為政當以舊典常故事為師法無以利口辯佞亂其官也弗學

牆面，莅事惟煩。

人而不學其猶正牆面戒爾卿

士，功崇惟志，業廣惟勤。

此戒凡有官位但言卿由志業廣位弗期驕，祿弗期侈。

貴不與驕期而由勤也恭儉惟德，無載爾僞。

言當以行己所以速亡也惟以立德，無作德，心逸日休，作僞，心勞日拙。

行姦偽也思危，罔弗惟畏，弗畏入畏。

言雖居貴寵當常思危懼無所不畏若乃推賢讓能，庶官乃和。

賢能相讓俊父舉能其官，惟爾之能，稱匪其人，惟爾弗任。

能脩其官惟亦汝之功能也舉王曰：烏虜，三事

非其人惟亦汝之不勝其任也

下有矣字

命作爾

辯作辨

爾作尔下同

刑下有也

暨大夫敬爾有官亂爾有政各敬居汝所有之

官治汝所以右乃辟永康兆民萬邦惟無斁言

敬治官政以助汝君長安天下兆民則天下萬國惟乃無厭我周德也

周公既歿命君陳分正東郊成周成王重周公

陳分居正東王若曰君陳我聞曰至治馨香感

于神明黍稷非馨明德惟馨所聞上古聖賢之

芬芳馨氣動於神明所謂芬芳非黍凡人未見

聖若弗克見既見聖亦弗克由聖此言凡人有

見聖道如不能得見已見聖爾其戒哉爾惟風

下民惟草汝戒勿為凡人之行也民從上教無

依勢作威無倚法以削無乘勢位作威民上無

寬而有制從容以和寬不失制動不失殷民在

辟予曰辟爾惟勿辟予曰宥爾惟勿宥惟厥中

殷民有罪在刑法者我曰刑之汝勿刑也我有

弗若于汝政弗化于汝訓辟以止辟乃辟有不

汝政不變於汝教刑之而爾無忿疾于頑無求

備于一人人有頑器不喻汝當訓之無忿怒疾

王曰烏虜父師畢公代周公為大師為政貴有

也作也無作有

人作又病之下有也

王舊作命改之

恆辭尚體要弗惟好異

政以仁義為常辭以體實為要故貴尚之若異

於先王君子不好也

商俗靡靡利口惟賢餘風未殄公其

念哉

紂以靡靡利口為賢覆亡國家今殷民利口餘風未絕公其念絕之也

我聞

曰世祿之家鮮克由禮以蕩凌德實悖天道

世有

祿位而無禮教少不以放蕩陵邈有德者如此實亂天道也

弊化奢麗萬世

同流

言弊俗相化車服奢麗雖相去萬世若同一流者也

茲殷庶士驕淫

矜侂將由惡終閑之惟艱

言殷士驕恣過制矜其所能以自侂大將

用惡自終以禮禦其心惟難也

惟周公克慎厥始惟君陳克和

厥中惟公克成厥終

周公遷殷頑民以消亂階能慎其始也君陳弘周公

公上有周字

古本公下有也

之訓能和其中也畢公闡二公之烈能成其終也

欽若先王成烈以休

于前政

敬順文武成業以美於前人之政所以勉畢公

穆王命君牙作周大司徒

穆王昭王子也

王若曰烏虓

惟乃祖乃父世篤忠貞服勞王家厥有成績紀

于大常

言汝父祖世厚忠貞服事勤勞王家其有成功見紀錄書於王之常以表顯

也惟予小子嗣守文武成康遺緒亦惟先王之

臣克左右亂四方

惟我小子繼守先王遺業亦惟我祖之臣能佐助我治四

方言已無

心之憂危若蹈虎尾涉于春冰

言祖

大已才之弱故心懷危懼也虎尾畏噬春冰畏陷危懼之甚也

今命爾予翊作

曰作日

曰作日

艱作難  
固作契  
安下有也

羣書治要 卷之二

股肱心膂今命汝為我輔翊股肱心體之臣言委任之也爾身克正罔

敢弗正民心罔中惟爾之中言汝身能正則下無敢不正民心無

中從女取中必當正身示民以中正之道夏暑雨小民惟日怨咨夏

暑雨天之常道小民惟怨身示民以中正之道冬祁寒小民亦惟日

怨咨厥惟艱哉思其艱以圖其易民乃寧天不

民猶怨嗟治民其惟艱哉當思慮其艱以謀其易民乃安

王若曰伯罔昔在文武聰明齊聖小大之臣咸

懷忠良聰明聽視遠也齊通無滯礙也臣雖官有尊卑無不忠良其侍御僕

從罔匪正人給侍進御僕從從官官雖微無不用中正之人以且夕承

弼厥辟出入起居罔有弗欽小臣皆良僕從皆正以且夕承輔其

君故君出入起居無有不敬發號施令罔有弗臧下民祇若

萬邦咸休言文武發號施令無有不善下民敬順其命萬國皆美其化也惟予

一人無良實賴左右前後有位之士匡其弗及

惟我一人無善實恃左右前後有職位之士匡正其不及言此責羣臣正已者也繩讐

糾謬格其非心俾克紹先烈言恃左右之臣彈正過誤檢其非安

之心使能繼先王之功業也今予命汝作大僕正正于羣僕

侍御之臣無敢佞偽也懋乃后德交脩弗逮

言侍御之臣無小大親疎皆當勉汝君為德更代修進其所不逮也慎簡乃僚無

祇作祉

懋作琳

修作脩

羣書治要

卷之二

三十一

以巧言令色，便辟側媚，其惟吉士。當謹慎簡選，汝僚屬侍臣，

無得用巧言無實，令色無質，便辟足恭，僕臣正，

厥后克正，僕臣諛，厥后自聖。言僕臣皆正，則其君乃能正，僕臣諛

諛，則其君乃自謂聖，后德惟臣，弗德惟臣。君之有德，惟臣成之，君之無德，

惟臣誤之，言君所行善惡，專在左右也，爾無昵于儉人，充耳目之

官，迪上以非先王之典。汝無親近儉利小子之人，充備侍從，在視聽之

官，導君上以非先王之法也，王曰：嗚呼！伯父、伯兄、仲叔、季弟、幼子、童孫，皆聽

朕言。皆王同姓，有父兄弟，子孫列者也，爾尚敬逆天命，以奉我

一人，雖畏勿畏，雖休勿休。汝當庶幾敬逆天命，以奉我一人之戒，行

事雖見畏，勿自謂可敬畏，雖見美，勿自謂有德美，惟敬五刑，以成三德。

一人有慶，兆民賴之。先戒以勞謙之德，女教以直之三德也，天子

有善，則兆民賴之，王曰：吁！來！有邦有土，告爾祥

刑。吁，歎也，有國有土，諸侯也，在今爾安百姓，何

擇非人，何敬非刑。在今汝安百官兆民之道，當何所擇，非惟吉人乎，

敬，非惟刑乎，兩造具備，師聽五辭。兩，謂囚證也，造，至

獄官共聽其入，五辭簡孚，正于五刑。五辭簡核，信有罪驗，

則正之於五刑，不簡，正于五罰。不簡核，謂不應

五刑也，五刑，當出金贖。

昵作睡傍書  
昵字  
古本子作了

自字無

無非字

罪、五罰弗服、正于五過、不服不應罰也、正於五過、從赦免也、五刑

之疑有赦、五罰之疑有赦、刑疑赦從免、刑罰世

輕世重、惟齊非齊、言刑罰隨世輕重也、刑新國用輕典、刑亂國用重典、刑平

國、用中典、凡刑、非佞折獄、惟良折獄、罔非在中、

非口才可以斷獄、惟平良、哀敬折獄、咸庶中正、

可以斷獄、無非在中正也、當矜下民之犯法、敬斷獄之害、其刑其罰、其審

克之、其所刑、其所罰、其當審能之、無失中也、

古本無之字

中下有正字

丁卯二月十八日自馬柴擔人對板

文政總覽書見治部省卷第廿庫寶藏金澤古鈔卷子本與市野俊卿對板于近藤氏樓書城樓上

建長五年七月十九日依洒掃少尹尊閣

教命校本書加愚點了

前參河守清原



